

西北文學文獻

第四卷

中國西北文獻叢書



中國西北文獻叢書·第六輯

西北文獻

第四卷



PDF

目錄

烏鼠山人遺集

明 胡纘宗

三

烏鼠山人小集

五

烏鼠山人後集

二二二

擬漢樂府

三〇〇

擬古樂府

三六六

顧學編

四〇〇

唐雅

四八二

雍音

六二五

榮哀錄

七六九

烏鼠山人遺集

蘇子卿

PDG

蘇子瞻詩集卷之四

蘇子瞻詩集卷之四
蘇子瞻詩集卷之四

蘇子瞻詩集

PDG

可泉集序

國家以科舉登士以法律理官爲業易能求仕易就故遂學工文之儒遜于往代洪武文臣皆元材也求樂而後乃可得而稱數云方天台辭著蘇氏言必道周孔大哉志乎東里少師入閣司文既專且久詩法漢唐文法歐依之者效之弘治中南城羅玘思振頽靡獨師韓子其艱思奇句偉哉武功康海好馬遷

胡氏集序

一

之史入對大廷文制古辯元老宿儒見而驚服時北郡李夢陽申陽何景明協表詩法曰漢亡騷唐亡賦宋亡詩二子抗節遐舉故能成章李之椎厚何之逸爽學者尊如李杜焉宣德中河東文清公出學曰復性旨曰宗朱直道進退足冠一時不屑議文矣今日古書漸見士操筆必期周漢而昌黎亦見輕也正德戊辰天水胡子世甫入翰林及銑參對

國史同隸戶館胡子方盛年已聰達能文已

銑出入仕隱胡子升沈州府嘉靖初銑起長南雍得讀胡子詩因語知友曰此於李何奚遜胡子在南司封寧藩佐亂胡子畫策截防大司馬用之保國兩守劇郡救事宜民發中機宜探義酬言沛沛乎若居膠庠是故官成而名立厚蘊而富乃任其詩清以健其文典以暢矩古而不襲詞婉而意躍如也慈谿孫

胡氏集序

二

公德夫長我汲省而宋世甫愛其詩協其賢而梓是集孫公剡剡杜請恤民省費乃倡茲工也其以范我人與而策於文苑矣乎胡子嘗采文清要言且慕且贊汲汲然如欲追而弗及者其德業不既邈哉

嘉靖丙申夏四月庚寅相臺崔銑序

可泉集序

胡蘇州集序

始裴為弟子員時今河朔右布政使水胡公來守蘇
數教裴為古文辭且授以法曰文莫盛於退之而文
之體則變矣詩莫盛於子美而詩之體則變矣故文
必以六經為準而秦漢人之詩必以三百篇為準而
漢魏人之文是雖工猶為棄源而尋委舍根而培枝
也况宋工乎裴服膺惟謹然困守章句繼服官政未
得畢志古作者之場如公所教也公去蘇垂十年矣
吳人思公之德赫如一日有徐圭者將梓公之所著
木蘭堂集以傳集故守蘇時作也謂裴曰子其校之
且序其首裴謝不敏徐曰公守蘇時辱知最深者惟

謝集序

太原王寵與子耳今王已早世非子序之而誰耶裴
三復終編乃知公所著述即所授裴之法也文出入
秦漢而根于六經詩出入漢魏而源于三百篇其視
昌黎少陵若弗屑者而亦未始不合也昔在李唐韋
應物白居易先後刺蘇咸有惠政且善篇翰今韋白
之集具在韋之詩冲玄興遠而調高白之詩率易辭
俚而理暢世稱作者然竊恨其未極根源而苟安於
枝委也裴也陋不足以知公之文姑以所聞於公者
序諸首以俟知音者賞焉

皇明嘉靖十五年歲在丙申春既望姑蘇門人袁

可泉辛巳集序

辛巳集若干卷蘇州守胡君世及出所著也蓋
戊辰至辛巳凡十有四年君首翰林出佐嘉興
羽轉守潼川州召為南京戶部員外郎進郎中
改南京吏部郎中擢守安慶凡七渡厥厠又易
厥地而蘇州未與焉總之今名走吳皆也吳門
之太學生江陰徐中孚請而梓之君乎觀政於
文文曷美而可觀觀政之政與文皆出於學復
於學斯深於文斯深於政矣然則觀文於政可
乎政固有不山於學者亦何觀之故觀政於

正德集序

夷可觀文於政不可也夫更吾見夫屢矣近吾
得之君焉君天賦高明前却采古而後不屑於
今亡人香書自中籍出外非罔藻以上垂讀也
極果所見有獨抱遺經之志君進歲引公事至
垂錫予始與將一泉山中君視乎所著進進出
人意表然守安慶以來又得讀於檇畝而斯集
史乃今見之蔚乎雅教視古佐香蓋已豐其錄
矣君管莊嘉定吾不及知已雷省事簡兼足君
出焚瘞安慶當其荒之餘亦不見其艱蘇州屋
財賦之會而不見其劇遊寧時撥視古政人昭

藏與讓君之文何其侶君亡政也曷不觀君出
學季學古人之學而文有不如古者乎而政亦
不如古者乎文出於學而用之文也政出於學
亦本出政也由今曰君亡任當進而益顯曰
要以言乎文尚有大制在焉曰言乎政尚有大
舉置焉待君而為之者若令止所至其何足可
蓋君哉而觀之也雖然觀諸令亦來者可知已
徐生讀序繼書之君名贊宗別號可泉甫甫果
字之陝之平水人

嘉靖甲申冬十月四日兼錫邵寶序

金蓮集序

二

辛巳集作於戊辰以至辛巳而集于辛巳
者也蓋閱十有三載矣而

毅皇帝之聖政及先生歷履入修

國史出判嘉州守梓州召為度支司封拜刺
皖郡其蹟皆可略見焉蓋正德間所集也
初名正德集先生聞之避而改此二泉先
生云志其時也而事具焉嘉靖改元先生
政刺吾蘇矣

門人歸仁頓首識

鳥鼠山人小集序

自吾取詩友於四方金春玉應無慮數百家
而氣味相投未有如鳥鼠山人者山人秦產
也何以友之其治郡者吾蘓也以政友之學
友之學至而風雅鳴政通而神人格則雖不
吾友或將友之吾何釋是故瑚璉在廟巧者
斲為鏤鐫在匣冶者準為官商在琴瑟彈者
律為君子曰山人非允吏也其殆王喬太白
之儔耶初無意軒冕而官之自稱曰山人人
亦稱之曰山人及其詩也亦以山人小集稱
之夫小者大之對也意其必有大而華國者
乎歸太學體之持其集來請曰知山人者莫
如子子其序之序之而傳焉亦卜子夏之故
例也山人自有姓名於世矣侯書執讀其集
則可知矣昔嘉靖戊子春三月吳郡伍餘福

切韻

小集序

二

序

鳥鼠山人小集序

惟我天水公蒞吳最久德澤在吳人最深吳故劇郡公經畫運量恢恢有餘地凡平賦省徭治水勸農練兵繕城詰姦致法節財卹匱百度罔不飭而於稽古禮教事尤亟垂情爲下車首闢學道書院以祀子游歎曰是子游之鄉也吾曷不以理武城者理吳迺進諸生翹秀者結誦其間親爲講授至手錄河東薛文清公粹言以示於是吳人士始知有身心之學又復古飲射禮攷定

文廟禮器樂章表民間節義事吳俗故浮靡或好巫好諍訟公爲譬曉釐革吳俗大變蓋公之政得於文學故其施實出世俗吏道如此公去吳踰十年吳人士思公不衰而公亦不能忘情於吳君子以爲古之遺愛云公平生著述積若干卷吳人士暨四方學者梓之以傳嘉靖丁酉公以大中丞保釐山東政暇出以示夢圭誦復數過顧末學謝陋何能知公之文獨念集中作於吳者居多南國之思名伯也所羨之對且愛之况以公之去上

吳人士攀轅者以萬計有願留公帶鳥者或睹公之文流布海內波及于吳家有而人誦之其視帶鳥孰重庶幾足以慰吳人士矣是集雖公之緒餘而其志識情致探究操履往往見焉所用以嘉惠吳者未始不出諸此其傳也固當爲天下愛重而吳人士尤當愛且重焉者也敬書末簡以爲公頌且以告吳人士云吳郡後學顧夢圭拜手書

鳥鼠山人小集序

古閩遵嚴王慎中謹識

昔季札觀周樂至於秦風知其聲之夏也卜其將大歎其爲周之舊其大也已信於他日矣然觀車鄰駟鐵小戎無衣之詩蓋戰鬪殺伐之習胡云周之舊也彼皆賁堅操銳之人發乎性情播爲音節莫不有賢士名卿之風於此見至周公之化之遠而詩之爲教亦弘矣至於專精果毅敏於有爲而不踰則深厚之水土不爲無助自秦之大也邪岐豐鎬之間率謂之秦而故名秦者則西傾朱圉之所表汧渭之水之所從流也由周以來至於今涵育震發宜不陋於非子

鳥鼠山人集

卷一序

秦仲之時而風未有聞於中土慎中蓋疑焉乃今得讀中丞可泉公之詩中丞於詩甚宏深慎中不能測窺而知其爲周之遺也深厚之氣於是乎生用其專精果毅之力致之於學漸服文王周公之教文以澤其質律以諸其音彬彬乎何聲之富也夫風者物之所由動也故或萃或散故有衆人之風闕乎一國亦有一國之風繫於一人以衆人係一國者其觀也於人其卜也於國以一國係一人者其觀也於國其卜也於人今有欲知秦中之盛且美者舍是詩其何觀而公之位望行業將益光顯於時以昌大其聲也必於是乎卜之慎中商之鄙人也不足與於大風之觀竊

嘗從事先王之教學周之文而得其所遺蓋歎周道之亡者微矣俗學溺焉而不談談者又陋於爲詩曰無與於斯文也嗚呼其不達於先王之教周之所遺者宜乎微矣慎中於讀公之詩幸周風之猶有存故本而言之以廣學者豈徒以爲譽而已

皇明嘉靖丁酉秋八月辛未日

秦安縣志



鳥鼠山人集

卷一

胡可泉集序

我國家文運起於東南故國初以來江浙多文士中原兵燹流離士寘徙靡寧奚暇治文藝哉乃若宋景濂劉伯溫蘇平仲王子充方孝孺諸子皆以文鳴於東南其以詩名家者則有高季迪楊孟載張羽徐賁袁海叟諸子亦皆東南佳士也而就中雄長文則獨遜景濂詩則獨遜季迪此天下之公言非賺一人之私論也夫諸前輩者文固美矣然閎博雖有餘而體格尙未復古其所爲詩非不清雅成章上而擬諸漢魏未能也是以知吾君子不能無遺憾云引治間武功康太史以馬遷之文

烏鼠山人集

卷一序

倡北郡李按察近體詩以杜倡而古體則以漢魏倡學者翕然宗之夫二子者氣格雄渾靈古而矯今誠有足多者若夫誦覽之博造詣之深名物稽覈之精師友淵源之自則又不能不遜諸前輩也大中丞可泉胡公挺生西服才思敏贍沛放厥辭動循古矧平生與康李友善故馳聲藝林與之媲美蓋自騷選以迄漢魏晉唐旁及我國初諸君子之文辭皆博觀而約取之故其所作蔚然成家足以傳世無疑也詩文統若干卷凡嚮慕者爭梓之以傳公亦莫得而與也公所至有惠政集傳于宦也寔著甘棠之愛云爾濂不佞辱交於公者二

十年矣樂睹刻集之成得以嘉惠海內學者於無窮輒敢僭附愚見於簡端以詒觀者

嘉靖己亥秋七月既望嵩渚山人李濂拜書

烏鼠山人集卷一序

二

鳥鼠山人小集卷之一

國子生吳郡馬驥校

秦安胡續宗世南著

國子生江陰徐中孚校
國子生門人長洲歸仁編

樂府

勦逆賊贈楊泰將銳泰將魯書是字於

勦逆賊逆賊胡為來主將胸中有甲兵戰賊賊胡襲

賊賊跡江邊布魚鳥城頭振星月四海早知名九

重先奏捷叶勦逆賊君王撫劍勞將筆存張巡生

余闕

一字曲贈張太僕文錦

鳥鼠山人集卷一

賊濠攻且急不恐吾何恃吾只有一字曰死環城舞

千千連疊發萬矢橫刀小吏隨拔劍壯士趨請看攘

賊之天梯燬賊之雲樓城上抵掌城下鬪指曳兵走

馬鎗頓足泣楚叶淮西長城江東底砮叶五麟新

頌天上符有詔不借舊刺史青陽盡節海岱奏功都

只有一字曰是

皖公門贈林郡丞有祿

皖公門皖伯城門可擊不可奪城可圍不可爭中有

運籌決勝蕭中葵寧與賊濠一夕死不與賊濠一朝

生君不見皖公門搥鼓奪賊賊揮戈袁賊營談笑逐

賊退飛揚傳賊平兩都上奇績四海騰休聲君不見

皖伯城

龍山高贈何郡倅景暘

龍山高龍山別駕人中豪鄱湖一夕飈風濤蔽江龍

虜陳千艘別駕從容裁戰袍雲屯玉壘心不勞諸葛

胸中蟠六韜曉起一鼓禽二毛風雲凜凜走逆濠百

郡安堵塵不驕舒州之險過虎牢別駕別駕行見褒

君不見龍山高

崔將軍歌

桓桓崔將軍一身都是膽底柱當龍門力與頽波撼

宣言比余闕丈夫心果敢誓將一門死報國期無憾

援劍斬一夫千夫懾以威罵賊鬼神泣破賊風雲極

鳥鼠山人集卷一

海內知貳師軍中呼小范叶君不見伐鼓戰城頭至

今聲坎坎

王令尹辭話

賊來賊來我甲休休賊去賊去我城道道盡爾賊濠

孰使爾警我有令尹定襄我壽水門衝賊賊安莫按

逐賊賊走歸獻賊俘彼氣既折賊為我囚於昭令尹

伊孰與儒

自君之出矣三首

自君之出矣明月滿中堂天外孤雲白君行何處鄉

自君之出矣庭草日霏霏千里春雲薄雙雙鴻雁飛

自君之出矣竟日掩金屏楊柳樓頭綠知君歸未歸

辭

江防亭辭

進之楊叅將首創是亭卒以亭成功則亭不
負叅將而叅將不魏亭矣

亭胡爲兮挿江江洶洶兮春撞鼉鼉兮蛟龍澤彼美
人兮麾幢亭斯肇兮流淙煙幕兮雲從錦欄兮綢
扞屯萬寇兮千艘森戈盾兮矛鏑朝橫翼兮羽降夜
斫樹兮收靡日曷曷兮鼓逢逢亭兮亭兮輝輝亭中
人兮牙璋輔金陵兮扼豫章岷峨下建兮源沅湘水
環抱兮山廻翔有亭有亭兮波不揚

歌

烏鼠山人集卷一

三

送閻允中西還

玉立兮隴山碧滴兮沂水山月盈盈以東升兮水潺
潺而莫止有客兮趣裝望山水兮千里罷賦長揚兮
抱藝以還悵李邵之登科兮獨於君而厚顏挾長策
兮有待劍氣浩浩兮冲乎玄間戀魏關兮夷猶念故
鄉兮遯迹送佳人兮此去望明月兮悠悠

五言古詩

宿平羌驛

昨夜睡已遲今晨起還早枝動鳥欲鳴關開花不掃
橋影落長虹江聲起危島開筆步庭除裁詩媿潦倒
遊凌雲寺次韻

烏水之北鼓程水之東山色出雲上江聲來
便涼坐不去倒懷醉亦同風聞鶴飛近孤塔

萬壽觀次韻

石梯苔蘚竹園麝深眠左洞響不歇西湖青可憐
樹擎山以北江繞樓之前坐待高樓月涼思秋影圓

奉家父携諸弟諸兒遊凌雲寺次韻

繫舟入古寺起登樓上樓風濤雜山簾寺在三江頭
杳杳扁舟者飄飄波上流點點巖眉山青青雲外浮
直北見長安寬闊雲山聊以娛吾親及此凌雲游
呼僮旋烹酒汲水林中漱毒龍醉起舞風吹衣飄飄
諸兒復諸孫歸來歌滿舟胡不卧空山風寒不可留

烏鼠山人集卷一

四

江上一長吟何曾動客愁

偶成巴東

巴東冠經年巴西冠成千古儲運未起新儲運復運
更人督何急征夫去不還伊誰憐少婦相告涕漣漣
和康子昌子同謁橫渠祠

幾歷橫渠道未窺橫渠壩欲入橫渠壩先登橫渠堂
門庭亦咫尺途路何遶迂鄉人切瞻仰關西有素王
橫渠先生宅爲橫渠水之人至今
幾餘芳陽也造詣深思也充拓長理也探其秘枘也
揭其光海也豪以雋峰也穎而昌續也獨皆淺出門
夫卷藏同爲關西人切劇寔相將願立訂頑心永勿

渡淮水

薄暮臨淮水淮上多春風帆檣度星月返照猶殘紅
夜炊淮東女夜榜淮西翁古今有代謝淮水年年同

次陶韻贈楊陶園少卿二首

田園云將蕪歸兮胡不歸心既爲形役惆悵奚獨悲
來者覺今是往者知昨非寄傲聊息交豈與世相違
吹衣風飄飄出岫雲依依西瞻有農事晨光惜相推
萬物羨得時吾生獨感衰天命信可樂有酒那復揮

其二

人皆輕王侯誰復振衣去飄飄鴻鵠心泠泠泉石趣

烏鼠山人集卷一

五

見此空踟躕達人獨遠舉清世重巢由治世欽伊傳
萬派雖殊途千歧乃同路嗟嗟壯遊人行行還却顧
是以陶淵明重簡薄名譽長揖謝縣官無心事塵務
繼陶今有楊希陶固情素有關因名陶心與陶獨悟
挂冠入陶園治安非吾慮雖謂溪湖遠逃名名愈著

寄題疊嶂樓

前眺有青山宛在郡城裏曲磴盤松蘿周垣錯荆杞
二峰遞起伏四山同徙倚鳥影月盈盈溪聲石齒齒
暈飛萬井樓鱗次千畦水尊當刺史衙秀出中丞里
赫赫名具瞻洋洋歌有美低頭見民瘼舉頭見君止
宿霧未能開夙心不可已振衣疊嶂間踟躕復何似

贈陳少參渭 分得白字

百里揚飛鞭走馬長安陌微郎天上來皎皎詩書客
冰漿騰蜚聲春雨涵膏澤所志在萬仞泰華何奕奕
相將千里心甫也寧忘白

代人贈陳少參渭

鍾阜暮雲高灞橋晴樹直舉頭見明月夜夜長相憶
安得摩天飛生彼雙雲翼

松崖贈沈翁

崖上松風長崖下松月白倚琴望孤雲策杖臨奇石
婉婉夢中枝暉暉堂上額下有千歲松傍有萬年柏

斷琴曲哀李孺人 孺人李時馨配也

烏鼠山人集卷一

六

鶴外繫孤琴琴中太古音所志在流水彈之懷素心
我今入君室鶴在琴檄泥問君還否曉哀怨起霜砧

九華山

江南多名山此山還第一下覽群山低瓊奇無與匹
卓於鍾山長峰於黃山密金焦盡見孫匡廬非甲乙
千嶂雲翻翻萬嶂風凜凜奇鳥不知名異花無從詠
春半猶見霜夜中先見日步步踏巉巖層層對翠嶺
九十九峰餘奇峰仍秩秩仰如凌衆星俯如伏群
緩如百獸蹲急如千馬逸遙如鵬搏空近如燕依
危如羽人冠銳如文士筆平如溪渤恠險如蛟龍軼
大如驚擎天小如猿抱膝放如江上花飲如池中實

親如鴈序隨疎如鴈行失朝如美女嬌暮如丈夫快
碧如蓮萬叢翠如羽千伶陰如錦忽藏晴如髻初梳
畫工應失真野人不能悉誰起郭景純一一爲之述

明妃篇

十年備後宮薄有好容姿君王恩寵博被召當有時
縱有美黃金胡爲貽畫師一朝奉君言爲君西事夷
按圖分當行何用嗟娥眉上馬奏琵琶下馬拜關氏
願言重君命不爲單于嗤故鄉雖云遠懷恨心內思
當時蘇子卿頭白節不移

燕湖二李輓歌

高岡有雙鳳時向朝陽鳴律應虞廷簫調協緱山笙
鳥鼠山人集卷一 七

所依惟梧竹翩翩昭文明一朝俱飛去空餘梧竹聲
九苞憶華彩城闕垂休名

登汪生莆山兼懷王檢討敬夫

開戶見青山山深雲爲關掃雲出門坐山在松筠間
下有水潺湲上有鳥綿蠻携尊復呼友聊以消愁顏
不見輞川子詩成誰爲刪

瑤池篇壽李安人

王母臨瑤池雲霞晴磊磊玄鶴集高空碧桃獻靈海
仙侶盡霓裳萊翁後爛彩一尊對南山瑞氣凌千載

知白篇贈鄭季亨二首

溟池有大鵬直翅同風起但見垂天翼扶搖自千里

達人志不小爲谷諒在此無物還有空一室淨如水
巢由不仕堯夷齊不食周非不重軒冕所志良悠悠
莊生室既虛老子門復嘗知白伊何爲不言心了

與李濟之夜酌

露下秋雲高開簾月滿戶明星度城隅瑤漢落江浦
侍兒擊筑歌壯士拔劍舞相對平生親終夜忘賓主

馬上見天柱峰

遙見天柱峰藹藹孤雲上仙翁知我來雙鶴盤笻杖
上山掃碧霞下山凌蒼濤翩然咫尺天摩崖共酬倡

奉芙蓉川途中見懷

君在芙蓉川依依歌采芷思君望大龍山月娟娟起
鳥鼠山人集卷一 八

運聞天柱間奇麗無與比君今能駕鶴薄言共從倚
上有峰巉巖下有石齒齒更與求巢山臨流一洗耳

至山谷再疊前韻柬余齊二子

不見天柱山磅礴青天上蒼煙下鶴驂碧霞凌錫杖
坐見江以南濛濛歷空洲振衣隨陶謝倚天歌絕倡

山谷分題得簾崖

空碧下巉巖層層照山谷渥頭月翩翩潭邊雲疊疊
鈎垂夜不扃帶曳晴堪漱望望如飛龍石蛟漫相逐

登舒臺有懷余齊二子

薄暮登舒臺臺下多芳草靡靡山旁圍差差水環抱
覆砌白雲遲轉樹黃鸝早臨風忽不醒故人在遠道

七言古詩

弔黃鶴樓次韻山谷

江鳥蒼蒼江水清
突兀石下舟獨橫
橫江風來山欲雨
倚樓遙指江雲生
涪州一謫翁不起
江聲不佳爲翁鳴
翁詩獨與翁溪在
世故于今猶變更

和德誼仲木初涉武水之作

許西許東春花開
春花習習春風來
主人兀坐詩書堆
開戶始知春復回
何人踏破石上苔
客子携酒來山隈
三年不見增離哀
今日盡醉山中醉
詩成不須春雨催
明朝策馬客子回
主人躍馬猶追陪
泠泠春溪水深澗
山花拂拂非塵埃
客子主人黃閣才
致君鳥鼠山人集卷一

月下留別譚元孝

今夜對月玉屏觀
明夜望月蓬溪山
玉屏月華杯掌上
蓬溪月色山水間
山蟲蟲水潺潺
望之不見心內艱
何時仍把酒與君
終夜相留攀邀月
坐踏月還但願吾人比明月
吾心耿耿照區寰

逢春

壬申逢春嘉定山
癸酉逢春崇慶舍
甲戌逢春潼川城
乙亥逢春歸德野
三年四地盡他鄉
何事辛勞宜遊者
往年親醉百花中
今年親舍白雲下
安得搏空附羽翰
登堂百拜稱雙峰

登甫化臺 分得濯字

南山九月登宜數
滿眼黃花醉堪握
孤雲裊裊夕遲遲
白鳥雙雙朝翺翺
筵開賓主盡東南
野合衣冠猶禮樂
忽思我有塵世纒
臨風欲向滄浪濯

終南行贈陳汝忠
僉憲兼懷王敬夫
段德光康德誼
呂仲木內翰馬伯
循家卿李獻吉憲
使

比斗城南終南山
下有涇渭澗瀾同
潺湲太華東來接
紫氣大白西出高
難攀冠冠繡衣雲
端客驄馬嘶向山
水間公餘踏馬繫
何處山青水白堪
留扳知君頗重文
字交吁嗟乎山水
之間有客有客貞
且閑漢陂摘騷席
欲暖谿田註書門
常闕涇野高風重
山斗

鳥鼠山人集卷一

對山浩氣充區寰
河濱豪吟樽不竭
崆峒壯遊輟將環
有此美人天一
方使我萬里空
愁顏爲我致謝
諸君莫長嘯只
今四海多病瘕

白中丞畫瓜

種瓜老仙臨碧溪
杖引活水崑崙西
昨日花發雲如錦
今日瓜成玉滿畦
小可三斗大一斛
懷丹抱素羅米谷
必是此仙秘此靈
何以一畝一畝年
熟遼東廬南不足
論縣縣種種誇青
門更看異本復同
蒂瑞瓜之氣彌乾
坤獻入宮庭光映
地薦來宗廟香源
醪天子見之賞且
嗟有瓜有瓜誰厚
沃托根江南專毗
陵方圓豐細雲相
似璧之華峰之達
甘似蜜

湘江之竹清如水是以百年五色次第出龍蹄虎掌
無甲乙君不見種瓜之人千百家獨有瑤池稱第一

次韻二泉歌贈邵公司徒

山風冽列虎時嘯老龍汲水山開竅飛虹一道掛長
空中與大江巨海相流迤嶺鶴不擾僧初定偶向山
靈問名姓山中有客齋名泉深堂大字楣高懸仁兮
樂山智兮水泉齋泉齋古今士濯纓豈減滄浪清
流開卷日研精呼童烹茗時一瀉不是當年流杯泛
觴者如琴似玉奇復奇瀾瀾堂下聽泉時齋中多士
人一酌各充其量分淺深寥寥大雅誰知音歌者和
者同是浴沂心原倡有我歌泉和之句

烏鼠山人集卷一

黃河行贈龔公都憲

黃河水其長也吾不知其幾千里崑崙天上碧嶽栽
星宿雲邊玉瀾瀾誰為開源誰導流乃與穹壤相浮
游信是源深流自大是以排江搗海垂千秋太行為
襟襟崑崙施長城作帶抱迤邐藏深回曲若環滔滔
澎湃直如砥帝初濬河咨廷臣僉曰伯禹智如神
禹拜稽首為疏鑿遂令濟者泛者咸知津治河今屬
蘭臺客四海聲華九州澤龍勅丁寧下鳳樓顛波
顛浪勞經畫熟知大海滴無涖稔見長江流不止中
外歷試才如河大小旁通心若水治河治河河易清
河伯無言河有聲極知盛代重伯禹如瀾障川兮坐

見司空水土平

代人贈陳少恭渭

秦淮水帶明月明月盈盈照宮闕秦淮水映晴雲晴
雲郁郁花氤氳秦淮水別行人緋袍白馬向三秦秦
淮水流萬里欲別不別情無已

石齋行奉贈石翁相國

齋巖巖石巖巖乃在岷山之南我山北媧皇補天
不敢煉神禹鑿山不曾勒栽培堅貞天地精呵護溫
潤鬼神力一朝移入明光宮桂籍直與龍樓通雲邊
五色錯文采亭亭屹立迴長風於時生雲被穹蒼於
時作雨霑鴻荒商彝周鼎摩日月地維天柱擎巖廊
烏鼠山人集卷一

於維貞石兮誰為佐木以為衣兮玉為戶於嶽為骨

於廟為鼓於天為星於國為柱炳炳文華徹帝居
行窩與別墅墻高數仞不易觀比鄰咫尺對南軒揚
馬陳李何足數

清江一曲歌次韻贈楊中書用貞

浣花溪邊時立馬錦江遙自岷山下遂江小結數椽
屋水色灤迴山屈曲萬壑松風吹復靜一簾沙月遮
還映細雨冥冥雲失村晴霞冉冉花迷徑屋中有客
對義父子史昭回道義存過者錯訝揚雄宅望者翼
登李膺門清風滿屋牙籤動三陳二蘇皆麟鳳江邊
紅杏歲歲華月中丹桂年年種聯翩環鳳池頭長